



Ulloq: 5. februar 2026
Allaffik: Nordatlantkontoret
Sul.sulia: Laura Friestrup-Jensen
Suliap normua: 2025-03716
Takussutissiaq: 3948571

**Akiligassarsinermi isumaqatigiissutit pillugit inatsisip Kalaallit
Nunaannut atuutilersinneqarnissaa pillugu peqqussummut missingiut
pillugu tusarniaanermut akissutitut**

NALUNAARSUUT OQAASERTALERSUGAQ

Ujarliutit

1. Tusarniaaneq	2
1.1. Tusarniaanermut piffissaliussaq	2
1.2. Oqartussaasut suleqatigiiffiillu il.il. tusarniaavigineqartut.....	2
2. Tusarniaanermi akissutit	4
2.1. Peqqussutissatut siunnersuummut nalinginnaasumik oqaaseqaatit..	4
2.2. Peqqussutissatut missingiummi immikkoortunut ataasiakkaanut oqaaseqaatit	5
2.2.1. Akiligassarsiat piaartumik akiligassat pillugit	5
2.2.2. Pisortanit illuliortarnernut aningaasaliineq	6

1. Tusarniaaneq

1.1. Tusarniaanermut piffissaliussaq

Akiligassarsinermi isumaqatigiissutit pillugit inatsisip Kalaallit Nunaannut atuutilersinneqarnissaa pillugu peqqussummut missingiut piffissami 2025-imi 12. novemberimiit 2025-imi 10. decemberimut (ulluni 29-ini) oqartussaasunut suliniaqatigiiffinnullu il.il. arlalinnut tusarniutigalugu nassiunneqarsimavoq.

Peqqussutissatut siunnersuummut missingiut aammattaaq ilisimatitsissutitut Folketingets Grønlandsudvalg-ianut aamma Folketingets Retsudvalg-ianut nassiunneqarpoq.

Tamatuma saniatigut inatsisissatut siunnersuummut missingiut Tusarniaanernut ammaassivimmi ulloq 12. november 2025 tamanut saqqummiunneqarpoq, soorlu aamma peqqussutissatut missingiut ulloq 13. november 2025 Kalaallit Nunaanni Namminersorlutik Oqartussanut ilisimatitsissutitut nassiunneqartoq.

Nalinginnaasumik peqqussutitut atatillugu tusarniaanut nalunaarsuummik oqaasertalersukkamik suliaqartoqarneq ajorpoq. Pisumi uani piviusumi, tusarniaanermut akissutit, erseqqissaanissamik pissutissalersitsisut takkussimammata, tamanna tulluartsuusoq, Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfillu isumaqatigiissutigineqarpoq.

1.2. Oqartussaasut suleqatigiiffillu il.il. tusarniaavigineqartut

Ataani oqartussaasunut suliniaqatigiiffinnullu tusarniaavigineqartunut nalunaarsuut takuneqarsinnaavoq.

Tusarniaavigineqartunut ataasiakkaanut tusarniaanermut akissut tiguneqarsimanersoq, aamma tusarniaavigineqartoq taamaattoqarsimappat inatsisissatut siunnersuutip missingiutaanut oqaaseqaateqarsimanersoq krydsiligassami taaneqarput.

Tusarniaavigineqartoq	Tusarniaanermut akissut tigineqarsimavoq	Oqaaseqaatit	Oqaaseqaateqanngilaq	Tusarniaanermut akissuteqarusunngilaq
Advokatrådet				
Avannaata Kommunia				

Bankivik	X	X		
BDO Statsautoriseret Revisionspartnerselskab i Nuuk				
Danske Advokater				
Den Danske Dommerforening	X		X	
Ineqarnermut, Attaveqaasersuutitut Isorliunerusunullu Naalakkersuisoqarfik	X	X		
Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoqarfik				
Dommerfuldmægtigforeningen				
Domstolsstyrelsen	X		X	
Foreningen af Advokater og Advokatfuldmægtige				
Naalakkersuisut Siulittaasuata Naalakkersuisoqarfia				
GrønlandsBANKEN	X	X		
Sulisitsisut				
Nunatta Eqqartuussisuuneqarfia	X		X	
Grønlands Revision				
Kommune Kujalleq				
Kommune Qeqertalik				
Kommuneqarfik Sermersooq				
Kalaallit Nunaanni Illersuisut Peqatigiiffiat				
Nunatsinni Advokatit - Grønlandske Advokater				
NUSUKA (Nunaqavissut Suliffiutillit Kattuffiat)				
Qeqqata Kommunua	X	X		
Nunatsinni Eqqartuussivik				

Sulinermik Inuussutissarsiuteqartut Kattuffiat (SIK)	X	X		
Transparency International - Danmark				
Transparency International - Greenland				

2. Tusarniaanermi akissutit

Tusarniaanermut akissutini tiguneqarsimasuni immikkoortut pingaarnerit ataani assilillugit allanneqarput. Inatsiseqarnermut ministereqarfiup tusarniaanermut akissutinit oqaaseqaatai uingasumik allanneqarput.

Tusarniaaneq pillugu allakkiami tusarniaanermut akissutit ataaniittut ilanngunneqarput.

2.1. Peqqussutissatut siunnersuummut nalinginnaasumik oqaaseqaatit

Nunatta Eqqartuussisuuneqarfiata, Domstolsstyrelsen aamma Den Danske Dommerforeningip missingiut oqaaseqaateqarnissamut pissutissaqartitsisimanngitsoq ilisimatitsissutigaa

Ineqarnermut- aamma pigisat pillugit suliassaqaarfimmut peqqussutip akornutissartaqanngitsumik naammassineqarsinnaanissaa nalilerneqartoq, **Ineqarnermut, Attaveqaasersuutitut Isorliunerusunullu Naalakkersuisoqarfiup** ilisimatitsissutigaa. Ilisimatitsisussaataitaneq pillugu malittarisassat, akiligassarsisinnaassuseqartutut nalilersuinerup aamma aningaasartuutit nalilersorneqarnerisa atuisunut inissap aningaasalersorneqarneranut atatillugu ammasumik periuseqarneq patajaallisassagaa, naalakkersuisoqarfiup ilassutigaa.

Aningaaseriviit sullissisullu allat, malittarisassat atuutilernissaannut piareersarniarlutik pisariaqartinneqartumik allanngortitsinerit suliarinissaannut naammattumik piffissalernerneqarnissaat pingaaruteqartoq, **Bankiviup aamma GrønlandsBANKENip** maluginiarpaat. Atortuulersitsinissamut piffissaliussaq ilanngunneqassasoq, taamaalilluni malittarisassat akuersissutigineqarnerisa kingorna malittarisassat

siusinnerpaamik qaammatit 6 qaangiunneranni atuutilissasut, Bankiviup aamma GrønlandsBANKENip inassutigaat.

Bankiviup aamma GrønlandsBANKENip tusarniaanermut akissuteqaataat, Inatsiseqarnermut ministereqarfiup Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiummut oqaloqatigiissutigisimavaa. Bankiviup aamma GrønlandsBANKENip tusarniaanermut oqaaseqaataat Inatsiseqarnermut ministereqarfiup aamma Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiup isumaqatigaat. Taamaalillutik peqqussutip piffissaq atuutilerfissaa ullormut 1. januar 2027-imut aalajangersarneqassasoq, Inatsiseqarnermut ministereqarfiup aamma Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiup aallarnerniarpaat. Tamatuma aningaaseriviit sullisiviillu allat allanngortitsinerit pisariaqartinneqartut atortuulersinneqarnissaannut qaammatit 6 sinnerlugit piffissaqarfigilissavaat.

2.2. Peqqussutissatut missingiummi immikkoortunut ataasiakkaanut oqaaseqaatit

2.2.1. Akiligassarsiat piaartumik akiligassat pillugit

SIK-p paasinnissinnaanera malillugu peqqussutissatut missingiutip atuisut, taarsigassarsianik ullunik 90-inik sivikinnerusunik akilerneqartussanik (qularnaveeqquseeqqaarnani pinasuartumik attartugassarsinernik) taarsigassarsisut illersunngikkai, malittarisassanut nutaanut naleqqiullugu **Sulinermik Inuussutissarsiuteqartut Kattuffiata (SIK-p)** tikkuarpaa.

Inuit imaluunniit ilaqutariit, ilisaqqunnartumik taamaattunik taarsigassarsisartut, aningaasaqarnermut tunngasumik qajannaatsumik tunngaveqarneq ajortut, SIK-p aammattaaq taavaa.

Peqqussutissatut missingiummi § 8 c-mi, akiligassarsiat piaartumik akiligassat pillugit isumaqatigiissusiornermi pinngitsoorneqartussaanngitsumik eqqarsaatiginninnissamut piffissaq siunnersuutigineqartoq, Inatsiseqarnermut ministereqarfiup aallaqqaasiutaasumik maluginiarpaat. Taamaalilluni akiligassarsisitsisoq § 8 c, imm. 1 malillugu, akiligassarsisitsisup neqeroorummik tunniussinerata kingorna siusinnerpaamik nalunaaquttap akunneri 48-t

qaangiunneranni atuisup akuersissuteqarnera tunniunneqarpat, akiligassarsiat piaartumik akiligassat pillugit neqeroorummik atuisup akuersissutaa atuuttutut taamaallaat isigisinnaavaa.

Akiligassarsiat piaartumik akiligassat pillugit neqeroorummut nassiunneqareersumut tunngatillugu, akiligassarsisitsisoq atuisumut saaffiginnissuteqassanngitsoq, § 8 c, imm. 2-mi malittarisassamik aalajangersaasoqarpoq.

2.2.2. Pisortanit illuliortarnernut aningaasaliineq

Kalaallit Nunaanni kommunit illuliortarnermut aningaasaliinissamut aaqqissuussinermik peqartut, taakkunani taakku atuisunut pigisami aalaakkaasumi qularnaveeqquserlugu illuliornissamut taarsigassarsisitsisartut, malittarisassanut nutaanut naleqqiullugu **Qeqqata Kommuniata** tikkuarpaa. Peqqussutissatut siunnersuummi (ESIS, paasissutissiinissamut- aamma isumaqatigiissummut piumasaqaatit, taarsiisinnaassusermik naliliineq aamma sioqqutsilluni tamakkiisumik akiliisinnaatitaaneq) illuliornissamut malittarisassani aaqqissuussineq ilaatinneqassasoq, Qeqqata Kommunian tikkuarpaa.

Kommunit Namminersorlutillu Oqartussat taarsigassarsisitsisarnermik aaqqissuussinerannut malittarisassat nutaat naammassineqarnissaat annertuumik piumasaqaateqarfiussasoq, Qeqqata Kommuniata taamatuttaaq taavaa.

Akiligassarsinermi isumaqatigiissutit pillugit inatsisip peqqussutinngortinneqarnissaasut siunnersuutip taassuma taarsigassarsisitsisartut, taakku missingiummi § 4, nr. 2 malillugu inuullutik imaluunniit inatsisitigut pisinnaatitaasuullutik pisussaataasuullutillu, inuussutissarsiumminut tunngasumik sulinerminut atasumik akiligassarsititsisartut imaluunniit akiligassarsisitsinissamik neriorsuuteqartut, Inatsiseqarnermut ministereqarfiup aallaqqaasiutaasumik maluginiarpaa.

Qeqqata Kommunianit tusarniaanermut akissuteqaataat, Inatsiseqarnermut ministereqarfiup Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfiummut oqaloqatigiissutigisimavaa. Qeqqata Kommunianit oqaaseqaatit

eqqarsaatigalugit, kommunit taarsigassarsisitsisarnerat
inuussutissarsiutigalugu taarsigassarsititsinerunngimmata, kommunit
akiligassarsinermi isumaqatigiissutit pillugit inatsisimmi
ilaatinneqanngitsut, Inatsiseqarnermut ministereqarfiup
Inuussutissarsiornermut, Aatsitassanut, Nukissiutitut, Inatsisit
Atuutsinneqarnerannut Naligiissitaanermullu Naalakkersuisoqarfiullu
nalilerpaat. Taarsigassarsiat, Illuliortiternernut aningaasalersuineq
pillugu Inatsisartut inatsisaat malillugu taarsigassarsiaritinneqartut,
niuerfimmi iluanaarniutigalugu atugassarititaasut atornagit
tunniunneqartarput, kisiannili inatsisitigut aalajangiinermi tunngaviit
aallaavigalugit tunniunneqartarlutik. Taakku tassaapput pisortanit
tapersiinermik aaqqissuussinerit, inuussutissarsiornermik suliaqarnerup
ingerlanneqarneratut isigineqarsinnaanngitsut.

Taamaammat Qeqqata Kommunianit oqaaseqaatit Inatsiseqarnermut
ministereqarfiup peqqussutissatut missingiummi allanngortitsinissaanik
pissutissaqalersitsinngillat.